

磁州志卷之九

知州析津蔣 擢重訂

水利

嘗考周禮稻人掌畜水止水蕩水均水舍水瀉水之事古人教稼精詳其於水利至纖且悉也厥後鄭國開涇源於關中李冰鑿離堆於成都番系引汾水於蒲坂在在皆為民利不獨漳鄴之遺烈可師也磁境有龍洞滏源自西徂東浸淫衍溢治則斥鹵可為膏腴不治則燠燥霍潦

磁州志

卷之九

水利

一

俱不免矣凡境內新舊諸渠及堤閘之屬惟當以時修濬庶民享樂利而無汎濫之虞也志水利

五爪渠

在州西十里許明洪武間知州包宗達於響水梁村引滏水開渠支分五派溉田種稻宜

德間知州安理重修歲久淤塞隆慶間內修石橋復開前渠導水北流橋成塞之不固每秋山水泛漲州北田禾淹沒官途淖滯萬曆六年知州趙範於州北二十里梁王橋疏渠一帶長千三百餘丈東通滏河用泄其勢農旅便之歲久荒塞康熙三十六年知州蔣擢重濬以洩諸溝渠之水導入滏河至康熙三十九年奉

巡撫都憲李公諱國亮飭興水利遂單騎親詣五爪渠南北中三渠鼓舞農民大加疏濬復審視地形詳請於杏園等四村新開渠二道又竣

修橙槽築堤以護杜村等四村
泛溢從此西北一帶樂利無窮

新開渠

南二里半鋪出水溝一道自灣漳營東北起
至二里半鋪止長三里半

雙碑口出水溝一道自灣漳營東起至雙碑口
止長三里半

五里鋪南出水溝一道自灣漳營東南王家墳
後起至五里鋪小橋止長三里

南七里鋪李家庄北出水溝一道自李家庄北
起至大路止長半里

李家庄南出水溝一道自李家庄南起至大路
止長半里

南十里鋪郵亭北出水渠一道自十里鋪起至
六里鋪止長四里接入路西溝內

三里屯西出水溝一道由王家庄魏家庄常家
庄之南至滏陽橋東小街止長六里

良方橋南渠一道由小侯召北入滏陽河長二
里半

磁州志

卷之九

水利

二

朱家庄東至龔家墳開渠一道因在中開河西
名為中開河渠康熙四十二年北開河又自龔

家墳東北開渠一道名為朱台庄渠亦稱北開
河新渠由台家庄朱家庄龔家墳長四里

五里鋪南往東渠一道自北開河起由馮家庄
小李家庄至大路止長五里

五里鋪往東北出水渠一道自甘草營起由馮
家庄王家庄至大路止長五里半

七里鋪出水溝一道自大路西起至紀家庄北
止長二里

十里鋪西開南北渠一道自十里鋪西南起至
十五里鋪五爪渠南入大路溝內長四里

十里鋪郵亭前渠一道自小營店起由黃官營
南至郵亭止長五里

慶澤新渠一道自十里鋪東北常家墳西起至
高與西止長五里

十里鋪北大路西高與開出水溝一道自五爪
渠東起至大路止長二里

五爪渠西新堤之北出水溝一道自堤北起至十五里舖止長三里

小光祿等村紅溝一道自小光祿東南起至梁王橋止長七里

小光祿北出水溝一道自小光祿小路起至紅溝止長一里半

十五里舖出水溝一道自小光祿東起至十五里舖止長四里

梁王橋往東大溝一道自梁王橋起由杏園營東小琉璃南至下琉璃止長十二里

梁王橋新堤南往東出水溝一道自大路起由關前村至滏陽河止長三里

杜村龍王廟前出水溝一道自杜村南起至大溝止長三里

河北村渠一道自河北村起由城基村北獨村張兒庄止長十四里

屯庄等村出水溝一道自偏閘起由南左良鄭家庄至屯庄西入滏陽河止長八里半

磁州志

卷之九

水利

三

左良出水溝一道自南左良至大渠止長一里高與西新溝一道自北大路至鳳凰渠長半里

永旺村北出水溝一道自大渠起至李家墳前止長二里六十步以上各溝渠自康熙三十六

七至四十四等年俱係知州蔣擢新開

甘草營渠一道自三里橋西接水西流至營後洩水入河長十里

高與村渠一道長百步以舊渠地勢低窪易致淤積改濬此溝至平坦之處仍歸舊渠

黃官營渠一道長三里接引小營店東渠水由楊家樓東北流至十里郵亭大路歸於水溝以

上三渠皆係康熙四十七四十八兩年知州蔣擢續開

閘堰

西閘

在州西十二里槐樹村明萬曆十五年知州孫健初築石為堰連開疏渠二道中渠灌漑永旺

等三十三村北渠灌溉曲溝等四村但山水暴漲常高於閘人無所施力衝決之患往往有之至二十二年知州劉安仁增立閘七空又於閘之兩端設立絞椿用之啓板甚便而暴漲始不能爲害後十餘年知州牛維赤倣其意復鑿石以開南渠灌溉東槐樹等十三村三渠遂大爲民利柰歲久漸圯至康熙二十一年秋水驟至衝決臺墩閘遂壞知州任塾重修如故康熙四十四年閘東北崩頽二空啓閉難施三渠農田灌溉無由知州蔣擢集衆議徹底重修閘工完固水利復興

東閘

在州東北二十五里琉璃村近地多斥鹵明崇禎八年知州李爲珩循視阡陌相度地勢指曰此處豈不可又建一閘乎因倣西閘之製造爲東閘引水分渠灌溉閘南等二十村教民種稻兼雜植蓮藕遂爲一境之勝由是歲加修葺至國朝順治三年永郎爭水經河北道蘇勤明勒石

磁州志

卷之九

水利

四

於車騎關康熙十一年廣平鹽商韓永昌等借開阻水涸爲詞具控鹽院批廣彰二府會議又叠經院道批查知州趙績詳具溢水源流建閘始末蒙都院佟批溢水之閘旣建自故明萬曆十五年其來已久且稱鹽船隨到隨開竝無阻滯韓永昌等何得妄控如議立石以杜爭端遂立石於東閘至十三年永郎復詳鹽院批歷經會議確勘至十四年蒙鹽院賀批詳溢河之水原屬磁境建閘已久無庸爭執况稱船到閘開遠近皆可接濟是亦商民兩便旣經撫院批示如議立石兩郡士民毋再嘵嘵妄啓爭端詳載溢閘紀事至二十七年永年縣舉貢李莞等復以違例建閘控直隸撫院于咨豫省委官會勘知州朱廷相叠經詳辯始得結案

附閘規

西閘老人夫名規例與東閘同但無科斂賣水之弊

康熙三十九年知州蔣擢查訪東閘奸民許鉞
戀克老人竟不更換且科斂各村工食賣水放
船隨經責革立規勒石

一管閘老人一名需管閘上夫役司蓄洩啓閉之
事以本地有田業之人輪流報克分所當然不
用工食定於每年開印後舊老
人卽報新老人更換勿得違悞
一閘夫六名需管下板蓄水提板洩水亦係新老
人於各村報出每年輪當自二月半起至八月
半止不許擅離閘上每名年年量准給催價銀
三兩亦於各村派定預備修閘修渠夫三十名
內每名出銀六錢共計銀一十八兩均於八月
初一日送州以憑當堂按名給發取領附卷
一凡修閘修渠之處每年有候用夫三十名據各
村公議按照地畝之多寡預爲派定臨時照依

磁州志

卷之九

水利

五

分數出夫公舉此後永定爲
例不許擅自取究責

偏閘

一遇春月閉閘下板之時管閘老人赴州稟領封
鎖及時固閉若遇溢河水漲老人卽同鄉長赴
州稟報以憑差役持籤驗明封鎖啓閘洩水事
完卽行封鎖如報遲致淹民田查出將老人鄉
長一併重究其客商貨船裝齊聚多老人同船
埠亦卽赴州開報以憑需索客商銀錢果有實
據許被侵害之人赴州喊稟以憑拏究
在東城橋北屯庄等村每遇陰雨連綿溢水汎
溢則有淹沒之患一逢亢暘將咫尺自然之利
聽其長洩人卽近地之民困累已久康熙四十
一年知州蔣擢建閘一座以資蓄洩引水分渠
灌溉屯庄南北左良鄭家庄吳家庄五村民田
復築堤一道以禦東南倒瀉之水由是五村得
安始無旱
澇之虞

東西兩開之水西常有餘而東匆不足一遇旱
糞則狼圪塔營等村之田卽有龜圻之虞康熙
四十七年知州蔣擢准里民黃簞等呈請於
渠上建閘一座閘南引水東流由廣濟橋而歸
大渠之內灌溉狼圪塔營狼圪塔村閘南村王
家庄柳兒營徐家庄琉璃村吳家庄太平庄馬
兒庄東城營郭家小屯村南豆公北豆公大營
東城橋馬家庄張家庄郭家庄與盛小營杏園
營二十一村之田又引水北流爲俎家庄黃鼠
二村澆灌旱地之用卽雨暘不時而蓄洩有方
諸村並食
其利矣

舊堤

北白道往東堤一道長五里二百二十步寬三
丈高八尺相傳防護漳河不知建於何年無可
致
州西南固城堤一道長三里一百四十步寬二
丈五尺高八尺相傳程公珦所建以防溢水無
可致

磁州志

卷之九

水利

六

新堤

州東南小堤一道長一里四十
步寬二丈五尺高四尺無可致
梁王橋南五爪渠西築堤一道長二里寬一丈
高七尺康熙三十八年知州蔣擢創建以防西
南暴漲之水

南左良西築堤一道至大渠止長一里寬七尺
高六尺康熙四十一年知州蔣擢創建以禦東
南豆公等處倒瀉之水

北十里舖以北高與村地內築堤一道長二里
寬一丈高八尺康熙四十二年知州蔣擢創建
以禦西南各渠餘
水引之歸出水溝

良橋東築堤一道至大渠止長五丈寬三丈高
二丈康熙四十八年知州蔣擢建築以受北城

壕之餘水
灌溉民田

橋梁

滏陽橋 一名偃月橋在州南關外跨滏水壘石爲之長十餘丈金泰和間建元至正壬辰年修明

正德己卯年知州張珂重修康熙甲申年知州蔣擢於橋南北建立二坊

南津橋 在南門城壕上康熙三十九年知州蔣擢撤去舊板改建石橋豎有碑碣

永濟橋 在州北門外舊架木爲梁屢敗於水明萬曆十三年知州張夢麟改建石橋

東石橋 在州東門外明萬曆三十六年知州趙國璧建國朝康熙十年知州栢成棟重修

雙港橋 在城外西北隅國朝康熙十年知州任塾建

艮方橋 在城外東北隅國朝順治十五年知州張瑞午建後爲水衝片磚無存康熙三十八年

知州蔣擢重建豎有碑碣

利濟橋 在城外西北隅通武安大道

磁州志 卷之九 水利 七

廣濟橋 在州北高與渠口康熙三十六年知州蔣擢新建以通南北行人豎有碑碣

梁王橋 在州北二十里舖明正德間鄉民郭有智建

永固橋 在高與鎮傾圮無存康熙三十九年知州蔣擢重修

琉璃橋 在下琉璃村

東城橋 在東城營

林壇橋 在林壇村

尹家橋 在州西五里明天啓間壽官楊尙志建

紙坊村石橋 亦名利濟跨於廣盛泉之上長十八丈有奇康熙三十六年彭城民周尙文創

璘等創建

濯纓橋

卽牝牛河橋在州北三十五里山水峻利惟宜平橋舊有小石橋一座歲久殘缺康熙四

十二年知州蔣擢重建大石平橋一座長五丈寬一丈五尺豎有碑碣

漳河草橋

舊在五吉村每歲九月同安陽臨漳合建夏初則撤後五吉之水分而爲二始下移

於講武城然河身濶幾三百丈歲費金錢萬計國朝順治十一年鄉宦張潛議請改於漁洋口此

處河身窄狹水緩沙停歲可省工料三之二旋因用兵安塘安陽腰站設於豐樂鎮磁州腰站

設於花村皆於漁洋口之道相左遂復移橋於上漆垣再移於趙村至康熙二十三年河口衝

决又移於下漆垣其費幾與講武城等二十四年知州任鑿以兵罷撤塘議仍移橋歸於漁洋

口不果康熙二十七年知州朱廷相以每歲分工搭蓋恐勞逸不均同安臨會商不若挨次輪

修至公至便遂通詳上臺批允遵行永遠爲例然以前胥吏里棍從中侵蝕每次糜費千金

磁州志

卷之九

水利

八

大爲民累至三十六年輪磁州搭造知州蔣擢親爲設法節省其水料車脚夫役工食之費藉覈明晰絕無中飽而橋工以成自後每當輪修俱以此法行之不復如當年之重費矣